

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 17 August, 2015 (A)

Suasana ekonomi tuntut kematangan pengalaman



RITA BENOY
BUSHON

Rakyat Malaysia berasa agak bimbang berikutan kejatuhan mengejut pasaran saham tempatan dan mata wang ringgit, baru-baru ini.

Ringgit menunjukkan prestasi paling buruk di Asia tahun ini, manakala aliran keluar dana ekuiti setakat Jun 2015, sudah pun melebihi jumlah keseluruhan aliran keluar bagi tahun 2014.

Kenyataan Gabenor Bank Negara Malaysia (BNM), Tan Sri Dr Zeti Akhtar Aziz pada sidang media Khamis lalu, yang menyatakan terdapat pertumbuhan 4.9 peratus di dalam ekonomi yang melepassi

jangkaan pasaran adalah berita yang melegakan.

Beliau juga memberikan jaminan BNM tidak akan menambat ringgit atau memperkenalkan langkah kawalan modal bagi membendung penurunan nilai ringgit memandangkan kadar pertukaran fleksibel sudah membantu negara mengurangkan impak daripada perkembangan luaran.

Pantau rapi

Namun begitu, menurutnya, prestasi ringgit akan dipantau rapi dan beliau juga selesa dengan tahap rizab negara.

Pada masa sama, Zeti turut menyatakan BNM akan terus memantau entiti yang mempunyai tahap hutang yang tinggi termasuklah 1MDB.

Di dalam ketidaktentuan ekonomi dan suasana politik yang mencabar pada masa ini, kematanngan pengalaman adalah penting.

Berikutan hal ini, satu artikel oleh *Focus Malaysia* baru-baru ini melaporkan banyak syarikat tersenari

di Malaysia, terutama syarikat kawalan keluarga mempunyai beberapa pengarah yang sudah lama berkhidmat di dalam lembaga pengarah.

Dengan syarat pengarah syarikat mengekalkan kebebasan mereka ketika memainkan peranan mereka sebagai pengarah bebas, pengalaman yang dibawa oleh mereka boleh membantu syarikat mencapai matlamat yang ditetapkan.

Sama ada dari segi memberi perspektif bagaimana untuk menguruskan aliran tunai, atau nasihat mengenai cara terbaik untuk menggunakan dana syarikat atau cara untuk mengelakkan daripada melakukannya kesalahan dan mengekalkan urus tadbir korporat terbaik, pengarah veteran yang berpengalaman pastinya mempunyai pengaruh penting yang boleh memantapkan syarikat.

Penulis

ialah Ketua Pegawai Eksekutif Badan Pengawas Pemegang Saham Minoriti Bhd (MSWG)